



**KOMITETI SHETËROR PËR KULTET**

# **RAPORT VJETOR I PUNËS**

**VITI 2020**

# PËRMBAJTJA

## PËRMBLEDHJE EKZEKUTIVE

**1- KAPITULLI I .....FAQE 4-7**

❖ **KUADRI LEGJISLATIV I SË DREJTËS SË LIRISË SË FESË E BESIMIT NË SHQIPËRI.**

❖ **KUADRI INSTITUCIONAL FETAR PËR VITIN 2020.**

❖ **KUADRI LIGJOR MBI TË CILIN BAZOHET VEPRIMTARIA E KSHK DHE ORGANIZIMI I TIJ.**

**2- KAPITULLI II .....FAQE 8-9**

**DREJTIMET KRYESORE PËR REALIZIMIN E OBJEKTIVAVE GJATË VITIT 2020**

**3- KAPITULLI III .....FAQE 13-14**

❖ **PROJEKTI NR.2 I STUDIMIT: “MBI MARRËDHËNIET SHETET – FE NË NIVEL LOKAL”**

**4- KAPITULLI IV .....FAQE 12-16**

**BUXHETI PËR VITIN 2020**

❖ **ZËRAT EKONOMIKË DHE REALIZIMET E TYRE.**

❖ **PROKURIMET PËR BLERJET E VOGLA.**

**KONKLUZIONE**

## AKRONIME

- **ASHK** – Agjensia Shtetërore e Kadastrës
- **BF** – Bashkësi Fetare
- **KSHK** – Komiteti Shtetëror për Kultet
- **KMSH** – Komiteti Mysliman i Shqipërisë
- **KOASH** – Kisha Ortodokse Autoqefale e Shqipërisë
- **KKSH** – Kisha Katolike në Shqipëri
- **KBB** – Kryegjyshata Botërore Bektashiane
- **VUSH** – Vëllazëria Ungjillore e Shqipërisë
- **MEPJ** – Ministria për Evropën dhe Punët e Jashtme
- **MSHMS** – Ministria e Shëndetësisë dhe Mbrojtjes Sociale
- **MASR** – Ministria e Arsimit, Sportit dhe Rinisë

## KAPITULLI I

Komiteti Shtetëror për Kultet, si një institucion qendror, në varësi të Kryeministrit, vepron në bazë të VKM-së Nr. 459, datë 23.09.1999, i ndryshuar dhe, në ushtrimin e detyrës së tij, i nënshtrohet zbatimit të së drejtës kushtetuese të lirisë së fesë e besimit dhe të konventave ndërkombëtare të ratifikuara nga shteti shqiptar, në këtë fushë. Mbarëvajtja e institucionit është bërë e mundur në sajë të bashkëpunimit shumëpalësh me Bashkësitë fetare, OJF me karakter fetar dhe me institucionet shtetërore në nivel qendror dhe vendor. Gjatë vitit 2020, veprimtaria e KSHK është udhëhequr nga legjislacioni në fuqi dhe nga Plani Buxhetor Afatmesëm 2020-2022, ku janë të përcaktuara qartë objektivat, drejtimet, mënyrat e realizimit të tyre, shoqëruar me shpenzimet përkatëse të alokuara. Institucioni është treguar i kujdesshëm që të forcojë klimën e respektit për besimin fetar në vend, si një faktor për fuqizimin e bashkëjetesës fetare tradicionale dhe si vlerësim për kontributin shoqëror - arsimor - shëndetësor të bashkësive dhe organizatave fetare në jetën shqiptare. Me një vëmendje të veçantë në sigurimin e së drejtës së besimit, duke i konsideruar fetë si kontribues dhe partnerë të fuqishëm në përhapjen e vlerave morale dhe zgjidhjen e problematikave sociale, KSHK është angazhuar totalisht për ngritjen e nivelit koordinues mes shtetit dhe feve.

### ❖ *KUADRI LEGJISLATIV I SË DREJTËS SË LIRISË SË FESË E BESIMIT NË SHQIPËRI*

Kushtetuta e Republikës së Shqipërisë, me nenet 10 dhe 24, garanton të drejtën e lirisë së besimit dhe siguron ndarjen dhe pavarësinë e shtetit nga feja. Në to shprehimisht thuhet:

#### Neni 10

*1. Në Republikën e Shqipërisë nuk ka fe zyrtare. 2. Shteti është asnjëherë në çështjet e besimit e të ndërgjegjes dhe garanton lirinë e shprehjes së tyre në jetën publike. 3. Shteti njeh barazinë e bashkësive fetare. 4. Shteti dhe bashkësitë fetare respektojnë në mënyrë të ndërsjelltë pavarësinë e njëritjetrit dhe bashkëpunojnë në të mirë të secilit dhe të të gjithëve. 5. Marrëdhëniet ndërmjet shtetit dhe bashkësive fetare rregullohen mbi bazën e marrëveshjeve të lidhura ndërmjet përfaqësuesve të tyre dhe Këshillit të Ministrave. Këto marrëveshje ratifikohen në Kuvend. 6. Bashkësitë fetare janë persona juridikë. Ato kanë pavarësi në administrimin e pasurive të tyre sipas parimeve, rregullave dhe kanoneve të tyre, për sa nuk cenohen interesat e të tretëve.*

#### Neni 24

*1. Liria e ndërgjegjes dhe e fesë është e garantuar. 2. Secili është i lirë të zgjedhë ose të ndryshojë fenë ose bindjet, si dhe t'i shfaqë ato individualisht ose kolektivisht, në publik ose në jetën private, nëpërmjet kultit, arsimimit, praktikave ose kryerjes së riteve. 3. Askush nuk mund të detyrohet ose të ndalohet të marrë pjesë në një bashkësi fetare ose në praktikat e saj, si dhe të bëjë publike bindjet ose besimin e tij.*

Njëkohësisht, ligjet mbështetëse në këtë fushë, rrisin efektivitetin dhe bëhen provë e fuqishme e zbatimit në jetë të këtyre të drejtave. Këtë e dëshmon panorama e larmishme fetare e vendit tonë, ku ndërthuren fe dhe tradita fetare të ndryshme, dhe ku, krahas 5 komuniteteve kryesore fetare, të

cilat kanë ratifikuar marrëveshje reciproke me Qeverinë Shqiptare, ushtrojnë misionin e tyre, edhe “besimet e vogla”, të përfaqësuara nga dhjetëra fondacione, organizata apo shoqata.

E drejta e lirisë apo besimit fetar, rrjedh gjithashtu, nga angazhimet në nivel ndërkombëtar, që shteti shqiptar ka pranuar dhe zbatuar. Shqipëria ka ratifikuar 9 traktate ndërkombëtare për të drejtat civile dhe politike, në respektimin, mbrojtjen dhe përmbushjen e të drejtës së fesë apo besimit krahas pjesëmarrjes dhe rolit të saj aktiv në Këshillin Evropian.

Rezultatet e arritura në këtë drejtim, janë bërë objekt i vlerësimit të lartë nga ana e organizmave ndërkombëtare të interesuar në këtë fushë. Këtë e dëshmojnë deklaratat nga takimet dhe raportet e ndryshme të përfaqësuesve ndërkombëtarë, ku evidencohet roli pozitiv dhe inkurajues i shtetit shqiptar për ushtrimin dhe mbrojtjen e lirisë së fesë apo besimit, dëshmi e të cilës është mungesa, e rasteve të denoncuara të diskriminimit për shkak të përkatësisë fetare apo e problemeve sistematike dhe thelbësore në këtë fushë, edhe gjatë vitit 2020.

Aktualisht, panorama multi – konfesionale shqiptare njih 5 bashkësi fetare tradicionale dhe besime të tjera, relativisht të reja për realitetin tonë, që veprojnë në formën e shoqatave/organizmave me karakter humanitaro – fetar.

#### ❖ **KUADRI INSTITUCIONAL FETAR PËR VITIN 2020**

Bashkësitë fetare si vijon: 1) Komuniteti Mysliman i Shqipërisë, 2) Kisha Ortodokse Autoqefale e Shqipërisë, 3) Kisha Katolike në Shqipëri, 4) Kryegjyshata Botërore Bektashiane dhe 5) Vëllazëria Ungjillore e Shqipërisë, kanë nënshkruar marrëveshjeve për marrëdhënie të ndërsjella me Këshillin e Ministrave. Këto të fundit që janë ratifikuar në parlament me ligjet përkatëse: Ligji nr. 8902, datë 23/05/2002, Ligji nr. 10056, datë 22/01/2009, Ligji nr. 10057, datë 22/01/2009, Ligji nr. 10058, datë 22/01/2009, ligji nr. 10394, datë 10/03/2011, vendosin kornizën ligjore mbi të cilën bazohet raportet mes shtetit dhe bashkësive fetare. Njëkohësisht ligjet e mësipërme, u krijojnë komuniteteve kushtet që të ushtrojnë lirisht të drejtën e tyre të besimit, edukimit fetar, aktiviteteve, shërbesave etj. Katër prej këtyre bashkësive, që prej vitit 2009 asistohen financiarisht nga shteti shqiptar për pagat dhe sigurimet shoqërore të punonjësve laikë të administratës dhe arsimit, në zbatim të ligjit Nr. 10140, datë 15.05.2009. Për vitin 2020, shuma e akorduar nga Këshilli i Ministrave ishte në masën prej 109.000.000 lekësh, e shpërndarë sipas VKM Nr. 493, datë 24/06/2020.

Krahas bashkësive fetare të sipërpërmendura, në Republikën e Shqipërisë ushtrojnë të drejtën kushtetuese të lirisë së fesë, edhe të cilësuarat “besime të vogla apo të reja” si: Baha’i, Dëshmitarët e Jehovait, Kisha e Shenjtorëve të Ditëve të Mëvonshme, Xhemati Ahmaddya, etj. që veprojnë nëpërmjet shoqatave/ organizatave/ fondacioneve me karakter humanitaro – fetar, të regjistruara në Gjykatën e Rrethit Gjyqësor, në zbatim të ligjit Nr. 8788, datë 07.05.2001, “Për organizatat jofitimprurëse”.

❖ **KUADRI LIGJOR MBI TË CILIN BAZOHET VEPRIMTARIA E KSHK DHE ORGANIZIMI I TIJ.**

Komiteti Shtetëror për Kultet u krijua me Vendim të Këshillit të Ministrave Nr. 459, datë 23.09.1999 , “Për krijimin e KSHK”, si vazhdë e Sekretariatit mbi fenë dhe shprehje e qartë e ndjeshmërisë që qeveria shqiptare tregon për rolin e fesë në shoqëri. Vendimi i sipërpërmendur, u pasua me ndryshime në varësinë dhe organikën e KSHK si vijon: me VKM Nr. 128, datë 11.03.2004, me VKM Nr. 666, datë 26.10.2005, me VKM Nr. 777, datë 14.12.2005, me VKM Nr. 344, datë 07.06.2006, me VKM Nr. 186, datë 03.08.2006, me VKM Nr. 602, datë 10.09.2014, pa ndryshuar natyrën e tij si hallkë rregullatore mes Shtetit dhe feve.

Komiteti Shtetëror për Kultet ka si funksion kryesor: *“Realizimin e marrëdhënieve ndërmjet shtetit dhe komuniteteve fetare e organizatave shoqërore të çdo lloji, që kanë objekt veprimtarie dhe ndjekin qëllime fetare”*.

Ky institucion synon dhe ka si përparësi të veprimtarisë së vet punën për:

- Zbatimin e detyrimeve kushtetuese;
- Plotësimin e kuadrit ligjor mbi marrëdhëniet e shtetit me fenë;
- Zbutjen dhe shuarjen e konflikteve që mund të çënojnë harmoninë ndërfaqetare në vend.

Përgjegjësitë kryesore të KSHK mund të përmbliidhen si vijon:


- Bashkërendimin e marrëdhënieve me komunitetet fetare, shoqatat, fondacionet fetare ose humanitare-fetare.
- Garantimin e lirisë së besimit dhe për zhvillimin, bashkëpunimin, mirëkuptimin dhe tolerancën ndërfaqetare në Shqipëri duke qenë asnjëherë në çështjet e besimit dhe duke njohur barazinë e bashkësive fetare dhe respektuar pavarësinë e tyre.
- Shprehjen e mendimit të tij Ministrisë së Arsimit dhe Shkencës, lidhur me planin mësimor, programet dhe tekstet e pjesës joligjore, për kërkesat e paraqitura për hapjen e institucioneve arsimore jopublike, institucioneve arsimore plotësuese jopublike, ku zhvillohen lëndë fetare dhe në bashkëpunim me atë institucion, në varësi të ndarjes administrative territoriale, të interesave të përbashkëta ekonomike dhe të traditës historike e fetare.
- Interesimin për ruajtjen e vlerave të objekteve të kultit në bashkëpunim me Institutin e Monumenteve të Kulturës dhe me komunitetet fetare
- Paraqitjen e konsideratave të tjera Ministrisë së Financave, lidhur me hyrjen në territorin e Republikës së Shqipërisë të mallrave me karakter fetar për komunitetet fetare dhe për përjashtimin e tyre nga taksa doganore, në përputhje me ligjet në fuqi.
- Vendorsjen dhe forcimin e bashkëpunimit me institucionet homologe të vendeve të tjera e të diasporës, në funksion të promovimit të bashkëjetesës fetare në vend

## ORGANIZIMI I KSHK

Në bazë të VKM –së, Nr. 602 i datës 10/09/2014, Komiteti Shtetëror për Kultet funksionon si një trup i vetëm, në përbërjen e të cilit përfshihen:

1 Kryetar, 5 Anëtarë, 3 Specialistë dhe një punonjës mbështetës.

### ORGANIGRAMA



Përveç detyrave të paraqitura në organigramën e mësipërme, Kryetari i KSHK bën ndarje detyrash sipas përgjegjësi dhe nevojave institucionale, në përmbushje të detyrimeve ligjore. Titullari, për shkak të organikës së thjeshtuar, edhe gjatë vitit 2020, ka qenë përgjegjës për ndjekjen e plotësimin të objektivave specifike për secilin punonjës dhe ka bërë vlerësimin e performancës për ta, gjatë gjithë harkut kohor të vitit 2020. Ky proces i nështrohet legjislacionit në fuqi për administratën publike dhe menaxhimin e kontrollin financiar në njësitë qendrore publike. Struktura e thjeshtë organike, krijon kushtet për një kontroll të brendshëm efikas dhe të vazhdueshëm, gjë që ndikon pozitivisht në ritmet e punës së KSHK dhe në mungesën e humbjeve kohore që mund të shkaktoheshin nga burokracia brenda institucionit.

## KAPITULLI II

### DREJTIMET KRYESORE PËR REALIZIMIN E OBJEKTIVAVE GJATË VITIT 2020

Komiteti Shtetëror për Kultet funksionon në zbatim të të VKM nr. 459, datë 23.09.1999, i ndryshuar me VKM nr. 128, datë 11.03.2004. Pika 1, që shprehimisht thotë:

*“..krijimin e KSHK për të ndihmuar në krijimin, ndryshimin dhe shuarjen e marrëdhënieve ndërmjet shtetit dhe bashkësive fetare, që kanë objekt dhe ndjekin qëllime besimi dhe ndërgjegje, sipas ligjit në Republikën e Shqipërisë .., përcakton rolin kryesor të tij.*

Viti 2020 ka qenë vit i ri-afirmimit të rolit bashkërendues të KSHK, mes shtetit dhe organizmave fetarë. Kjo është realizuar duke u udhëhequr nga parimet e Kushtetutës së Republikës së Shqipërisë, që me nenet 10 dhe 24 garanton të drejtën e lirisë së fesë e besimit dhe nga legjislacioni në fuqi mbi fenë dhe organizmat fetarë.

Komiteti Shtetëror për Kultet, si çdo institucion i administratës shtetërore, i paracakton vetes objektiva afatmesëm e afatshkurtër, për përmbushjen e misionit të tij. Këto objektiva reflektohen dhe dokumentohen në Programin Buxhetor Afatmesëm, në Planin Vjetor të Punës dhe në planet specifike të punonjësve, të cilat përpilohen nga vetë titullari. Situata e krijuar nga pandemia për Covid 19, detyroi institucionin të rishikojë e rimodelojë planin vjetor të punës, në mënyrë që objektivat të realizoheshin, edhe pse në kushte shtërnguese. Kalendarit i aktiviteteve të parashikuara për t’u zhvilluar gjatë vitit 2020, brenda dhe jashtë vendit, u reduktua për t’iu përmbajtur normave anticovid dhe për t’iu përshtatur kufizimeve të caktuara nga shtete e ndryshme. Gjithë aktivitetet e parashikuara dhe konkorduar me organizmat ndërkombëtarë që trajtojnë të drejtat e njeriut dhe lirinë e besimit e fesë, si: OSBE – ODHIR, Departamenti Amerikan i Shtetit etj., apo me ente të huaja qendrore/lokale të interesuara për promovimin e harmonisë fetare shqiptare, nuk u zhvilluan. Vetëm një pjesë shumë e vogël e tyre u zhvillua online. Kjo u reflektua edhe në mospërdorimin e fondeve të cilat ishin alokuar për aktivitetet përkatëse, dhe që trajtohen në kapitullin përkatës në vijim.

Në zbatim të detyrës së tij ligjore të shprehur në pikën 2/2 dhe 2/5 të VKM –së nr. 459, datë 23/09/1999, “Për krijimin e KSHK” që thonë: *“...Negocion për përgatitjen e marrëveshjeve ndërmjet përfaqësuesve të bashkësive fetare dhe Këshillit të Ministrave” dhe ..” Bashkëpunon me bashkësitë fetare për përgatitjen e projektligjeve dhe akteve nënligjore, që kanë të bëjnë me kultet fetare”,* institucioni, gjatë vitit 2020, është fokusuar përqendruar në përgatitjen e propozimeve nënligjore që lidhen me problematika të ndryshme të bashkësive fetare.

- Në këtë kuadër, në sajë të një bashkëpunimi shumëpalësh, që ka parë nga njëra anë institucionet shtetërore si Komiteti Shtetëror për Kultet dhe Agjencinë Shtetërore të Kadastrës dhe, nga ana tjetër bashkësitë fetare, janë zhvilluar konsultime për përgatitjen e një draft – akti nënligjor. Ky do të mundësojë zgjidhjen e titujve të pronësisë së objekteve të kultit dhe sipërfaqeve të tyre funksionale, të ndërtuara para vitit 1967, kur u sekuestruan nga shteti shqiptar i asaj periudhe. Këto objekte kultit, që aktualisht janë në administrim dhe përdorim të bashkësive fetare, nuk disponojnë tituj pronësie dhe, legalisht, nuk iu njihet përkatësie. Ato janë shpesh, rezultat i



proceseve të dhurimit nga ana e besimtarëve, por të pashoqëruara me dokumentacionin vërtetues të këtij procesi kalimi të pronësisë.

- Gjithashtu, duke patur parasysh kërkesat e bashkësive fetare për rishikim të ligjeve nr. 10056, nr. 10057 dhe nr. 10058, datë 22/01/2009, Komiteti Shtetëror për Kultet është aktivizuar për plotësimin e kësaj detyre ligjore. Marrëveshjet e nënshkruara mes Këshillit të Ministrave dhe bashkësive fetare i përkasin një periudhe të para disa vjetëve, ku nevojat e këtyre të fundit ishin të tjera krahasuar me ditët e sotme. Përveç kësaj, duke qënë se disa aspekte juridiko – fiskale të këtyre marrëveshjeve paraqesin paqartësi në zbatim nga institucionet shtetërore, rishikimi bëhet i domosdoshëm. Për këtë qëllim, gjatë vitit 2020, janë zhvilluar takime konsultuese (direkte ose online) me bashkësitë fetare, duke i konsideruar si palët e interesit. Në këto takime është mbledhur informacion mbi kërkesat/propozimet e bashkësive fetare. Komiteti Shtetëror për Kultet ka përpiluar versionin e parë të këtyre ndryshimeve ligjore, i cili do të rikonsultohet me to dhe me institucionet e tjera shtetërore, përpara se të paraqitet për propozim pranë Këshillit të Ministrave.

- Në zbatim të ligjit nr. 10140, datë 15/05/2009, “Për financimin nga buxheti i shteti të bashkësive fetare që kanë nënshkruar marrëveshje me Këshillin e Ministrave”, gjatë vitit 2020, janë shqyrtuar kërkesat e paraqitura prej bashkësive fetare. Gjithashtu është përpiluar propozimi i aktit nënligjor dhe përlllogaritur e lëvruar shpërndarja mes tyre, e buxhetit prej 109,000,000 lekësh, pasqyruar në VKM nr. 493, datë 24/06/2020.

- Komiteti Shtetëror për Kultet, duke përcjellë shqetësimet e disa bashkësive/shoqatave fetare për pagesat e taksave doganore për artikuj të dhuruar nga simotrat e tyre nëpër botë, përpos takimeve direkte me përfaqësues së Drejtorise Rajonale e të Përgjithshme të Doganave, është munduar të përfshirjë në procesin e rishikimit të dispozitave ligjore për trajtimin e OJF me karakter fetar. Sipas organizmave fetarë legjislativi nuk është kompletues, i qartë dhe jo i përshtatshëm me dinamizmat e ndryshuara të tyre. Duke qënë se, Ligji nr. 102/2017, datë 31.07.2014, “Kodi Doganor i RSH –së”, Kreu II, Seksioni 1, neni 184, pika 3/II, të VKM –së nr. 651, datë 10.11.2017, “Për dispozitatat zbatuese të të Ligjit nr. 102/2017, Kodi Doganor i RSH –së”, neni 465, pika 1/b,c, ç,d. lënë hapësirë për subjektivizma në interpretimet ligjore, Komiteti Shtetëror për Kultet u propozoi disa institucioneve që lidhen me regjimin taksor/doganor në Shqipëri të rishikohen këto dispozita. Kjo do të realizohej nëpërmjet bashkëpunimit ndërinstitucional. Nga ana e këtyre institucioneve nuk u shpreh gatishmëria për këtë qëllim.

### KAPITULLI III

#### PROJEKTI NR. 2 I STUDIMIT: “MARRËDHËNIET SHTET – FE NË NIVEL LOKAL”

Projekti studimor me temë: “*Marrëdhëniet shtet – fe në nivel lokal*”, u ndërmorr me iniciativën e Komitetit Shtetëror për Kultet, nisur nga indiciet e mbledhura në takimet e shumta me përfaqësues të ndryshëm lokalë. Një studim i tillë që bëhet për herë të parë në vendin tonë, drejtohet nga një institucion shtetëror dhe synon të pasqyrojë gjendjen aktuale të marrëdhënieve, pa asnjë influencë me karakter politik apo fetar. Parë në këndvështrimin e menaxhimit territorial, qëllimi i këtij projekti është krijimi (aty ku nuk ekziston), nxitja dhe forcimi i bashkëpunimit mes aktorëve të ndryshëm shoqërorë, qofshin ata shtetërorë apo fetarë, për zgjidhjen e plagëve sociale, për mbështetjen e të rinjve në nismat për një perspektivë optimiste jete, për ruajtjen dhe promovimin e vlerave historike të bashkëjetesës fetare. Në këtë projekt, ku protagonistë janë përfaqësuesit e sipërpërmendur, pasqyrohen problematikat me të cilat përballen ata në realitetin lokal, përcillen shqetësimet dhe dëshirat për një përmirësim të situatës ndërrelacionale. Përveç kësaj, ky projekt reflekton shkallën e njohurive legislative dhe informacionit në fushën e fesë, si nga përfaqësuesit shtetërorë, ashtu edhe nga ata fetarë, me qëllimin final të mirëinformimit të tyre. Kjo për të siguruar e garantuar ushtrimin e së drejtës së fesë e besimit, si një e drejtë universale, themelore, njerëzore.

Për vitin 2020, projekti u fokusua në Shqipërinë e Jugut, përkatësisht në qarqet: Berat, Gjirokastër, Korçë dhe Vlorë. Ai është zhvilluar nëpërmjet një rrjeti kapilar, që ka përfshirë ndarjet administrative nga më të mëdhatë (qarqet, bashkitë, prefekturat) tek më të voglat (njësitë administrative, etj.), për të patur një pasqyrë reale të marrëdhënieve shtet – fe në nivel lokal. Praktiki, këtij projekti iu nënshtruan përfaqësuesit vendorë shtetërorë dhe fetarë të 4 Qarqeve, 25 bashkive dhe të 120 njësive administrative. Nëpërmjet intervistave direkte, “face - to – face”, të strukturuar dhe semi - strukturuar, atyre iu paraqitën pyetsorë të përgatitur paraprakisht me rigorozitet nga staffi i Komitetit Shtetëror për Kultet dhe u mblodhën informacione të vlefshme. Intervistat e semi – strukturuar u pasuruan me komente të lira nga të intervistuarit, të cilat janë përfshirë në vlerësimet e KSHK.

Duke iu përmbajtur idesë themelore mbi të cilën Komiteti Shtetëror për Kultet inicioi Projektin mbi marrëdhëniet mes shtetit dhe feve në nivel lokal, projekti i këtij viti pësoi disa ndryshime të lehta, nga i kaluari. Sigurisht, linja përcuese e pyetsorëve nuk u prek. Ndryshimet, në formën e disa shtesave, u diktuan nga nevoja që pyetsori të ishte sa më i kuptueshëm, pasi mungesa e tyre mund të krijonte mosdhënie shpjegimesh nga të intervistuarit. Qëllimi final ishte marrja e informacionit sa më të saktë e të detajuar, duke patur parasysh karakteristikat e panoramës fetare të zonave jugore të Shqipërisë.

Nga informacionet e mbledhura, pak a shumë në të njëjtin nivel me atë të vitit të kaluar në Shqipërinë e Veriut, rezultoi se ka një mungesë të theksuar njohurish legislative në fushën e fesë nga të gjitha palët, se ekziston një nivel disi i kënaqshëm bashkëpunimi në nivel lokal mes aktorëve të ndryshëm, por që nganjëherë kufizohet vetëm në nivel “kordial”. Për këtë arsye

KSHK do të mobilizohet të jetë më e pranishme në këto nivele, duke u mbështetur në burimet lokale si pika referimi.

Qëllimi final është rritja e njohurive të aktorëve lokalë me legjislacionin në fuqi mbi fenë, ndërgjegjësimi i qeverisjes lokale mbi rolin kontributiv të bashkësive/shoqatave fetare dhe nxitja e bashkëpunimit nëpërmjet dhënies jetë projekteve konkrete për përfshirjen e të rinjve në zhvillimin e komuniteteve lokale, rritjen e qëndrueshmërisë së tyre dhe shërimin e plagëve sociale.

## KAPITULLI IV

### BUXHETI PËR VITIN 2020

KSHK është një institucion shtetëror dhe si i tillë, i nënshtrohet legjislacionit në fuqi për administratën publike. Duke qenë një institucion buxhetor dhe përfituar fonde nga buxhet i shtetit, ai harton politikat e tij në linjë me politikat qeveritare mbi fenë, duke i alokuar fondet përkatëse për realizimin e objektivave të prefiksuar.

Për këtë qëllim dhe në zbatim të Ligjit nr. 9936, datë 26.6.2008 “Për Menaxhimin e Sistemit Buxhetor në Republikën e Shqipërisë”, të ligjit nr. 88, datë 18.12.2019, “Për Buxhetin e vitit 2020”, Udhëzimit Nr. 9, datë 20.03.2018, “Për procedurat standarde të zbatimit të buxhetit”, të Udhëzimit plotësues Nr. 2, datë 20.1.2020, “Për zbatimin e buxhetit të vitit 2020”, të gjithë komponentët e PBA 2021-2023 janë hartuar që të harmonizojnë politikat/objektivat e Komitetit Shtetëror për Kultet, me shpërndarjen buxhetore për realizimin e tyre.

### ZËRAT EKONOMIKË DHE REALIZIMI I TYRE

Në zbatim të politikës së programit “Mbështetje për Kultet Fetare” si një mjet për garantimin e një mjedisi ku, çdo bashkësi fetare, të shprehë dhe praktikojë lirisht të drejtën kushtetuese të besimit dhe duke iu përmbajtur tavaneve buxhetore të miratuara me VKM nr. 577/2020 “Për miratimin e tavaneve përfundimtare të shpenzimeve të programit buxhetor afatmesëm 2021-2023” është bërë shpërndarja e fondeve buxhetore sipas artikujve ekonomikë, për secilin produkt.<sup>1</sup> Përdorimi i fondeve buxhetore e detyron institucionin të zbatojë me përpikmëri ligjin Nr.10296, datë 08.07.2010, “Për menaxhimin financiar dhe kontrollin”, duke monitoruar vazhdimisht gjatë harkut vjetor, përputhshmërinë e shpenzimeve institucionale me shkallën e realizimit të objektivave. Treguesit e performancës janë përdorur si mjet matës i pozicionimit të KSHK –së. Në plotësimin e objektivave të pasqyruara në PBA –në e sipërpërmendur, duke përdorur me efikasitet dhe eficiencë burimet financiare dhe njerëzore, Grupi i Menaxhimit Strategjik, ka ndjekur, hap pas hapi, ecurinë e realizimit të objektivave dhe përdorimin e fondeve përkatëse të destinuara për to, duke dhënë rekomandimet e rastit, duke korrigjuar dhe rialokuar fondet dhe duke ndërhyrë, në rast mangësish, për të realizuar arritjen e objektivave. Gjatë vitit 2020, në përputhje me emergjencën e krijuar prej pandemisë, një pjesë e konsiderueshme e fondeve të alokuara për aktivitetet e parashikuara brenda dhe jashtë vendit, nuk janë përdorur. Ndërkohë, në këtë kuadër, janë spostuar fonde që i kanë shërbyer mbrojtjes dhe parandalimit të përhapjes së covid – 19, në shkallë institucioni. Kjo është bërë në zbatim të urdhrave të MSHMS.

<sup>1</sup> Pasqyruar në tabelën nr. 1 dhe 2

**Tabela nr. 1 e shpenzimeve të miratuara për vitin 2020.**

(sipas ligjit nr. 88, datë 18.12.2019)


EMËRTIMI I PROGRAMIT	TOTALI I SHPENZIMEVE KORRENTE (MIJË LEKË)				TOTALI I SHPENZIMEVE KAPITALE (MIJË LEKË)	TOTALI I SHPENZIMEVE BUXHETORE (MIJË LEKË)
	PERSONELI		TOTALI I SHPENZIMEVE			
	600	601	604	602		
	12,255		113,000	6,145		
<b>MBËSHTETJE PËR KULTET</b>	<b>131.400</b>				<b>0</b>	<b>131.400</b>

**Tabela Nr. 2 e shpërndarjes sipas zërave ekonomikë, për vitin 2020.**

SHPENZIME PERSONELI (Lekë)	PLANI VJETOR (Mijë Lekë)	REALIZIMI VJETOR (Mijë Lekë)	PËRQINDJA (%)
<b>Zëri ekonomik 600 (PAGAT)</b>	10,512	10,029	95.4%
<b>Zëri ekonomik 601 (SIGURIMET SHËND. dhe SHOQ.)</b>	1,743	1,642	94.2%
<b>Zëri ekonomik 602 (MALLRA dhe SHËRBIME)</b>	6,145	2,049	33.4%
<b>Zëri ekonomik 604 ( TRANSFERTA me të TRETË)</b>	113,000	109,000	96.5%
<b>Zëri ekonomik 231 ( INVESTIME)</b>	0	0	0


## GRAFIKU I REALIZIMIT TË ZËRAVE EKONOMIKË

për vitet 2020/2019



## GRAFIKU KRAHASUES I REALIZIMIT NË (%)

për vitet 2020/2019



**TABELA E REALIZIMIT TË PROKURIMEVE**  
**ME BLERJE TË VOGËL**

Nr	Objekti i Prokurimit	Fondi Limit	Lloji i Procedurës së Prokurimit	Vlera e kontratës	Data e zhvillimit të procedurës së prokurimit	Operatori Ekonomik i shpallur fitues	NIPT i Operatorit Ekonomik
1	ABONIMI VJETOR NË SHTYPIN VENDAS	83333.00		81920.00		"Agjensia e Abonimit te Shtypit"	K31517010H
2	BLERJE DOREZA, SAPUN PËR DUAR, XHEL DEZINFEKTUES, ALKOOL DHE PASTRUES PËR SIPËRFAQE	58000.00	Negotiated without notice	57740.00	09/06/2020 12:00 AM	EGIAN MED	L71715003C
3	BLERJE KANCELARIE	100000.00		58958.00		Olson Lamaj	L91307016G
4	BLERJE KARBURANTI	583333.00	Small Value	216500.00	11/09/2020 09:30 AM	A&T	L32320008H
5	BLERJE MATERIALE PASTRIMI	25000.00		24980.00		LUMTURI XHENGGO	K61422018E
6	LARJE AUTOMJETI	35000.00		24000.00		XHOVAN GJINI	L71806046M
7	MATERIALE MBROJTËSE PERSONALE	250000.00	Small Value	55000.00	19/05/2020 12:00 AM	AN&RA	K12205001I

8	MIRËMBAJTJE /RIPARIME TË AUTOMJETIT TË INSTITUCIONIT	275000.00	Small Value	143000.00	30/09/2020 10:00 AM	VOL-AL SERVICE	K91313048D
9	SHËRBIME MIRËMBAJTJE (PERIODIKE) TË AUTOMJETIT	100000.00		25000.00		AGIM QEPA	L72723601S
10	SHËRBIME PASTRIMI PËR ZYRAT	250000.00	Small Value	142000.00	09/01/2020 09:00 AM	CLEAN FAST	L61807037R
11	SIGURACION TPL DHE FULL KASKO PËR AUTOMJETIN	75000.00		44320.00		EUROSIG SHA	K41926801Ë

## KONKLUZIONE

Viti 2020 ka shënuar vazhdimësinë e misionit institucional të KSHK. Megjithë vështirësitë e krijuara nga pandemia, që kanë ndikuar direkt në mënyrën e punës që lidhet drejtpërdrejtë me natyrën e veçantë të institucionit, objektivat janë realizuar në nivel të kënaqshëm. Fillimisht, gatishmëria e shprehur nga bashkësië/shoqatat fetare në zbatimin e normave antikovid dhe rritjen e ndërgjegjësimit në radhët e besimtarëve, në mbrojtje të shëndetit publik, ishte shprehje e besimit të tyre në strukturat shtetërore dhe e vullnetit për bashkëpunim. Projekti i ndërmarrë nga institucioni për të rritur ndjeshmërinë ndaj problemeve sociale dhe për të forcuar bashkëpunimin shtet – fe në nivel, është bërë dhe duhet të vazhdojë të bëhet shtysë për shtim vëmendjeje dhe përmirësim komunikimi nga ana e KSHK. Për vitin 2021, eficientia institucionale duhet forcuar nëpërmjet rritjes së iniciativës në ndërmarrjen e veprimeve që përmblihen në mision ligjor të tij, në thellimin e bashkëpunimit me institucionet e tjera qendrore dhe vendore dhe në zgjerimin e promovimit ndërkombëtar të harmonisë fetare në vend.